

բնապահպանական հարկի և բնօգտագործման վճարների միասնական հարկային հաշվարկի ներկայացման կարգի 5-րդ կետի պահանջի:

38. Լաբորատորիան համալրել ստուգաչափված և ժամանակակից սարքավորումներով՝ շրջակա միջավայրին հասցված վնասի հաշվարկումը ճիշտ կատարելու և հետազոտությունների արդյունքների արժանահավատությունը ապահովելու նպատակով:
39. Ապահովել «Չափումների միասնականության ապահովման մասին» ՀՀ օրենքի 16-րդ հոդվածի 10-րդ մասի պահանջները, այն է՝ շահագործումն իրականացնել միայն օրենսդրական չափագիտական հսկողության ենթակա ստուգաչափված չափման միջոցներով:
40. Ապահովել վիճակագրական տվյալների հավաքման և վերլուծությունների, ոլորտում գործող տնտեսավարող սուբյեկտների ռիսկերի գնահատման աշխատանքների իրականացումը և վերահսկողական ու հսկողական գործառույթների նպատակադրումը դեպի առավել ռիսկային ոլորտներն ու տնտեսավարող սուբյեկտները՝ իրականացնելով «Տեսչական մարմինների մասին» ՀՀ օրենքի 6-րդ հոդվածի 1-ին մասի 6-րդ կետի, Կանոնադրության 12-րդ կետի 8-րդ ենթակետի և «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2.1 հոդվածի 1-ին մասի և 2-րդ մասի 1-ին կետի դրույթները:
41. Ունենալ ռիսկերի վրա հիմնված ստուգումների մեթոդաբանություն:
42. Կամայական մոտեցում չցուցաբերել ոլորտում գործող տնտեսավարող սուբյեկտների ռիսկերի գնահատման աշխատանքները կատարելիս:
43. Տեսչական մարմնի կողմից հայտնաբերված շարժական գույքը՝ ձկներն ու խեցգետինը, տիրազուրկ ճանաչել միայն ՀՀ Քաղաքացիական օրենսգրքի 178-րդ հոդվածի 1-ին մասի համաձայն:
44. Բնական ռեսուրսների գրանցամատյանը պատշաճ վարել, որպեսզի Տեսչական մարմնի կողմից տրված ձկների և խեցգետնի մասին տեղեկատվությունը համապատասխանի գրանցամատյանում լրացված տեղեկատվության հետ:
45. Իրականացնել Կանոնադրության 11-րդ կետի 5-րդ ենթակետի բ) պարբերության դրույթները, այն է՝ կիրառել պատասխանատվության միջոցներ վայրի կենդանական և բուսական աշխարհի օբյեկտների՝ ՀՀ-ից արտահանման, ՀՀ դրանց ներմուծման սահմանված պահանջների պահպանման նկատմամբ:
46. Մշակել և ներդնել ներքին աուդիտի համակարգ՝ համաձայն «Ներքին աուդիտի մասին» ՀՀ օրենքի 1-ին հոդվածի և 2-րդ հոդվածի 1-ին մասի դրույթների:

ՀՀ առողջապահական և աշխատանքի տեսչական մարմինն

47. «Տեսչական մարմինների մասին» ՀՀ օրենքի 3-րդ հոդվածի 1-ին մասի 1.3-րդ կետի համաձայն օրենքով սահմանված ժամկետներում հաստատել գործունեության տարեկան ծրագրերը:
48. Հաշվապահական հաշվառումը, գնումների կազմակերպումը և անձնակազմի կառավարումը իրականացնել «Տեսչական մարմինների մասին» ՀՀ օրենքի 18-րդ հոդվածի համաձայն, այն է՝ տեսչական մարմնի ֆինանսավորումն իրականացվում է վարչապետի աշխատակազմի միջոցով:

49. Օրենքով սահմանված ժամկետներում հաստատել Տեսչական մարմնի ստուգումների տարեկան ծրագրերը:
50. Սահմանված ժամկետներում մշակել և Կառավարության հաստատմանը ներկայացնել Տեսչական մարմնի ստուգաթերթերը:
51. Ստուգումներ իրականացնել հաստատված բոլոր ստուգաթերթերով, որպեսզի Տեսչական մարմնի Կանոնադրությամբ հաստատված վերահսկողության յուրաքանչյուր ոլորտ լինի մշտական հսկողության ներքո:
52. Օրենքով սահմանված ժամկետներում մշակել և համապատասխան մարմնի հաստատմանը ներկայացնել «ՀՀ առողջապահական և աշխատանքի տեսչական մարմնի կողմից իրականացվող ռիսկի վրա հիմնված ստուգումների» մեթոդաբանությունը և ռիսկայնությունը որոշող չափանիշները:
53. Օրենքով սահմանված ժամկետներում մշակել և համապատասխան մարմիններին ներկայացնել իր իրավասությանը վերաբերող իրավական ակտերի նախագծեր:
54. Հետամուտ լինել դիմում-բողոքների կամ սեփական նախաձեռնությամբ վարչական վարույթների պատշաճ իրականացմանը:
55. ՀՀ ԱՆ-ի հետ ստորագրել ՀՀ ԱՆ աշխատակազմի լուծարված առողջապահական պետական տեսչության փաստաթղթերի հանձման-ընդունման ակտ:
56. Իրականացնել կազմակերպությունների ակտիվների և պարտավորությունների ամենամյա պարտադիր գույքագրում:
57. Հետամուտ լինել ջերմաչափման ստացիոնար սարքերի գործարկմանը և օգտագործմանը: Անսարքությունների դեպքում համագործակցել ՀՀ ԱՆ-ի հետ սարքերի երաշխիքային սպասարկումը կազմակերպելու համար:
58. Ստուգումներ իրականացնել միայն հաստատված ստուգաթերթերով:
59. Խորհրդատվության և իրազեկման գործառույթ իրականացնելու անվան տակ զերծ մնալ փաստացի ստուգումներ և ստուգման գործառույթներ իրականացնելուց:
60. Սահմանել Տեսչական մարմնի կառուցվածքային ստորաբաժանումների իրավասությունները՝ հաստատելով դրանց կանոնադրությունները:
61. ՀՀ մարզերում խորհրդատվության և իրազեկման գործառույթները իրականացնել Տեսչության համապատասխան տարածքային ստորաբաժանումների աշխատակիցների կողմից՝ անարդյունավետ ծախսերից՝ գործուղման ծախս, տրասպորտային միջոց, վառելիք և այլն, խուսափելու համար:
62. Տեսչական մարմինը պետք է ուսումնասիրություններ կատարի միայն «ՀՀ-ում ստուգումների կազմակերպման և անցկացման մասին» և «Տեսչական մարմինների մասին» ՀՀ օրենքի շրջանակներում և զերծ մնա ուսումնասիրությունների անվան տակ փաստացի ստուգումներ կատարելուց:
63. Կանոնադրության 11-րդ կետի 1-ին ենթակետի գ) պարբերությամբ սահմանված վերահսկողության շրջանակներում սանիտարահիգիենիկ փորձաքննության ու լաբորատոր հետազոտություններ կատարելու նպատակով իրականացնել նմուշառում և գործիքային չափումներ:

64. Հետամուտ լինել, որպեսզի միանվագ դրամական խրախուսանքները և պարգևատրումները տրամադրվեն այն մարմնի կողմից, որը հանդիսանում է ֆինանսական միջոցների կարգադրիչը:
65. Մշակել և ներդնել ներքին աուդիտի համակարգ՝ համաձայն «Ներքին աուդիտի մասին» ՀՀ օրենքի 1-ին հոդվածի և 2-րդ հոդվածի 1-ին մասի դրույթների:

ՀՀ կրթության տեսչական մարմնին

66. Հետամուտ լինել, որպեսզի գործունեության տարեկան ծրագրերը համապատասխան կարգով և ճիշտ ժամանակին մշակվեն և ընդունվեն Տեսչական մարմնի կառավարման խորհրդի կողմից:
67. Հաշվապահական հաշվառումը, գնումների կազմակերպումը և անձնակազմի կառավարումը իրականացնել «Տեսչական մարմինների մասին» ՀՀ օրենքի 18-րդ հոդվածի համաձայն, այն է՝ Տեսչական մարմնի ֆինանսավորումն իրականացնել վարչապետի աշխատակազմի միջոցով:
68. Հետամուտ լինել ստուգումների պատշաճ իրականացմանը:
69. Սահմանված կարգով պատասխանատվության ենթարկել ՀՀ օրենքների, համապատասխան ոլորտի հարաբերությունները կարգավորող իրավական ակտերի պահանջների խախտման համար:
70. Տեսչական մարմինը պետք է ուսումնասիրություններ կատարի միայն «ՀՀ-ում ստուգումների կազմակերպման և անցկացման մասին» ՀՀ օրենքի շրջանակներում և զերծ մնա ուսումնասիրությունների անվան տակ փաստացի ստուգումներ կատարելուց:
71. Իր իրավասությանը վերաբերող իրավական ակտերի նախագծեր մշակելու, գործող իրավական ակտերում փոփոխություններ կատարելու և համապատասխան մարմիններին ներկայացնելու իր պարտավորությունը պատշաճ իրականացնել:
72. Պատշաճ իրականացնել ՀՀ օրենքների և դրանց համապատասխան ընդունված իրավական ակտերի դրույթների կիրառման վերաբերյալ բացատրական աշխատանքների իրականացման, տնտեսավարող սուբյեկտներին իրենց իրավունքների և պարտականությունների մասին տեղեկացման, իրավական, մասնագիտական, մեթոդական աջակցության ապահովման և կանխարգելիչ գործունեության իր պարտավորությունը:
73. Պատշաճ մշակել և ժամանակին ներկայացնել ռիսկի վրա հիմնված ստուգումների մեթոդաբանությունը:
74. Ստուգումների և գործունեության տարեկան ծրագրերը կազմել օգտագործելով արդեն ռիսկի վրա հիմնված ստուգումների մեթոդաբանությունը:
75. Մշակել և ներդնել ներքին աուդիտի համակարգ՝ համաձայն «Ներքին աուդիտի մասին» ՀՀ օրենքի 1-ին հոդվածի և 2-րդ հոդվածի 1-ին մասի դրույթների:

ՀՀ շուկայի վերահսկողության տեսչական մարմնին

76. Հաշվապահական հաշվառումը, գնումների կազմակերպումը և անձնակազմի կառավարումը իրականացնել «Տեսչական մարմինների մասին» ՀՀ օրենքի 18-րդ հոդվածի համաձայն, այն է՝ տեսչական մարմնի ֆինանսավորումն իրականացնել վարչապետի աշխատակազմի միջոցով: